



Universitätsbibliothek Paderborn

Tractatvs De Homine Spirituali

**Walenburch, Adrian van
Walenburch, Peter van**

Antverpiae, 1666

3. [i. e. 4.] Consid. Fideles & pios hoc agere & operare, quod agit & operatur Christus Iesus.

urn:nbn:de:hbz:466:1-10007

CONSIDERATIO IV.

*Fideles & pios hoc agere & operari,
quod agit & operatur Christus
Iesus.*

1. **O** Stendi breviter , fideles & pios hoc esse , quod est Christus Iesus , & consequenter hoc cognoscere , hoc amare , quod cognoscit , & amat Christus Iesvs ; de quibus & in sequentibus incidenter erit sermo . Sequitur , ut demonstrem , fideles ac pios hoc agere & operari , quod agit & operatur Christus Iesus . Quia verò in Christo Iesu eluent ejus passiones , quas voluntariè sustinuit , nullus mirabitur , si passiones illas operationibus Iesu Christi annumerem ; ipso Apostolo , quasi ad objectum attributionis , omnem suam notitiam ad Christum crucifixum transferente ,

2. **Credimus Christum Iesum esse
mor-**

Consideratio IV. 17

mortuum. Sed & Apostolus dicit,
(a) *An ignoratis fratres, quia quicunque baptizati sumus in Christo Iesu, in morte ipsius baptizati sumus?* Ponit illud, tanquam rem fidelibus notissimam, ideoque addit; (b) *Mortui sumus cum Christo.* (c) *Quia scilicet caput fidelium est Christus; ideo quod dicitur de capite, etiam tribuitur membris, per communicationem ejusdem spiritus unitis.* Atque inde sic argumentatur divinus Apostolus: (d) *Si unus pro omnibus mortuus est, ergo omnes mortui sunt, & pro omnibus mortuus est Christus.* Moriuntur omnes homines in Christo, nec est infidelis, paganus, & peccator, qui cum Christo eatenus non moriatur, ut fiat capax gratiarum ex meritis Christi descendentium. Sed per hoc non fiunt membra sub capite Christo; non incorporantur Christo per

com-

(a) *Rom. 6.3.* (b) *Ibid. v. 8.* (c) *Vid. S. Ambros. lib. 2. de Sacram. cap. 5.*
To. 4. col. 360. M. (d) *2. Cor. 5.14.*



18 *De Homine spirituali.*
communicationem spiritus Christi,
nisi in ipsius morte baptizentur.

3. Sicut fideles moriuntur cum
Christo IESU , ita cum eodem se-
peluntur ; teste rursum Apostolo ;
(a) *Consepulti sumus cum illo per Bapti-*
mum in mortem. Quod & repetit,
(b) *Consepulti ei in baptismo.*

4. Qui moriuntur & sepeliuntur
cum Christo IESU , cum eodem ad
meliora, majoraque transeunt. Nam
(c) *Deus qui est dives in misericordia,*
propter nimiam charitatem suam quā
dilexit nos, & cùm essemus mortui pec-
catis, convivificavit nos Christo, cuius
gratia estis salvati, & conresuscitavit
& confedere fecit in cælestibus in
Christo IESU , ut ostenderet in seculis
supervenientibus abundantes divitias
gratiæ suæ in bonitate super nos in
Christo IESU .

5. (d) Explicat Apostolus modo
eximio
(a) Ro.6.4. (b) Coloss.2.12 (c) Eph.2
4. (d) Vid.S.Leon.Ser.1.de Ascens.
Dom.Bibl.Patr.T0.5.Part.2.p.851.B

Consideratio IV. 19

eximio Dei misericordiam erga fideles; divitias bonitatis ejus exaltans; charitatem ab excessu commendans; quod adeo dilexit peccatis mortuos, ut eos Christo convivificaret, hoc est, eadem vitâ spirituali cum Christo viverent, & in Christo viverent, & in Christo resuscitarentur; cum Christo, & in Christo federent in cælestibus, tanquam membra in suo capite; & sic Deus ostenderet futuris seculis abundantes gratiæ suæ divitias super fideles effusas, quatenus Christo Iesu uniuntur & incorporantur; quoniam
(a) *Ipse est caput corporis Ecclesiæ.*

CONSIDERATIO V.

Vtilitas ex precedenti Consideratione.

i. **A** Postolus multiplicem ducit utilitatem ex unione fidelium cum Christo Iesu. Audiamus

(a) *Coloff. 1. 18.*

